



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCXVI. ad annum MCCCCXXIII.

Parisiis, 1644

Sessio X.

urn:nbn:de:hbz:466:1-15653

ANNO CHRISTI 1415. tonotarius, Bertholdus de Vuildungen sacri palatii apostolici causarum auditor, Ioannes Abundi decretorum doctor, Petrus de Tygerlicentiatus in decretis, & Henricus de Piro licentiatus in decretis, ad ordinandum positiones & articulos, in causa inquisitionis depositionis Ioannis papæ vigesimitertii per Synodum Constantiensem offerendos.

Subsequenter venit ibidem dominus Romanorum rex cum deputatis aliarum trium nationum, presentans unam copiam cuiusdam bullæ datæ Carolo de Malatestis de Arimino. In qua Angelus de Corario, Gregorius duodecimus in sua obedientia nuncupatus, dedit licentiam ipsi Carolo & suis de eius obedientia, ad consentiendum huic Concilio: iniungens idem dominus rex dominis deputatis, quod examinarent illam copiam: & si foret defectuosa vel insufficientis, vellet eam remittere Carolo, qui statim disponere deberet, quod omnia sufficienter emendarentur ad voluntatem Concilii.

Prædictis lectis & publicatis, promotores petierunt ab ipsa Synodo, si placerent: adiicientes, si aliquis esset cui non placeret, iuxta auctoritatem & facultatem Concilii posset surgere, & dicere id quod sibi placeret. Et sic fuit ab omnibus responsum per dominum præsentem & omnes alios, Placet, nemine discrepante.

SESSIO X.

Die Martis decimaquarta mensis Maii supradicti, fuit sessio generalis in ecclesia cathedrali Constantiensi supradicta, in qua reuerendus pater dominus Bertrandus episcopus sancti Flori, ambasiator regis Cypri, cantauit officium Missæ de sancta Trinitate. Et præsidebat in eadem sessione reuerendissimus pater dominus Ioannes episcopus Ostiensis cardinalis Viuariensis, rege Romanorum ibidem præsentem in insigniis regalibus cum suis nobilibus. Litanis autem & aliis in sessionibus legi consuetis, lectis & peractis, reuerendissimus pater dominus Ioannes patriarcha Antiochenus legebat decretum suspensionis papæ, cuius tenor sequitur in hunc modum:

Et reuerendissimi patres domini Angelus Laudensis, & Iordanus de Vrsinis, cardinales, assistebant regi Romanorum ibidem præsentem in insigniis regalibus cum suis nobilibus. Præsentibus ibidem Branda Placentino, Francisco Venetiarum,

R r iij

Guillelmo sancti Marci, Antonio de Salancho, presbyteris, Amadeo Salutarum, Raynaldo de Branchasis, Ludouico de Flisco, Landulpho Barenfi, Odone de Columna, Lucido de Comitibus, & Francisco Florentinensi, diaconis cardinalibus. Absentibus tamen Petro Cameracensi, Alamanno Pisano, Antonio Aquileiensi, & Thoma Tricaricensi, cardinalibus, licet in eadem ciuitate presentibus. Officio vero Missæ solenniter de sancta Trinitate peracto, fuerunt lectæ litaniæ cum introitu: Exaudi nos Domine, &c. euangelio, orationibus & collectis ad hoc deputatis, & hymno: Veni creator Spiritus. Quibus sic cantatis, lectis & factis, surrexerunt Henricus de Piro & Joannes de Scribanis promotores & procuratores prædicti. Henricus de Piro loquens proposuit, qualiter ista sessio hodierna esset continuatio sessionis diei hesternæ. Idcirco repetiit citationem alias per edictum contra Joannem papam vigesimumtertium decretam & heri reproductam, una cum eiusdem executionibus factis in valuis ecclesiarum & portarum iuxta sui decretum, & hodie reprodixit de nouo. Petiitque per quatuor prelatos quatuor nationum & duos cardinales ad hoc deputatos, eundem dominum Ioannem requiri extra valuas ipsius ecclesiæ, in quibus dicta citatio fuit affixa & executata, & eius sequaces, receptatores & fautores, ad respondendum de & super omnibus & singulis contentis in citatione, ut præmittitur, contra eum decreta, seu causam, quare minime tenerentur ad hoc allegandum, instanter postulauit. Et ulterius in casu quo repertus non fuerit, ipsum Ioannem suspendi ab administratione totali papatus in spiritualibus & temporalibus per sanctam Synodum Constantiensem. Prædicta requisitione facta per promotores, accesserunt ad portas maiores eiusdem ecclesiæ, in quibus communiter huiusmodi edicta publicari solent, reuerendissimi patres Franciscus cardinalis Florentinus, & Lucidus de Comitibus, cardinales, Ioannes patriarcha Antiochenus de natione Gallicana, Nicolaus archiepiscopus Gneznensis, seu de natione Germanica, Antonius archiepiscopus Ragusinus de natione Italica, & Nicolaus episcopus Bathoniensis de natione Anglicana. Presentibus ibidem reuerendis patribus dominis, Benedicto præposito Albæ Regalis, Iacobo de Rhodinis de Ianua, & Thoma Polcon, sedis apostolicæ protonotariis ad hoc deputatis: nec non Ioanne Guiardi pro natione Gallicana, Bartholomæo de Guastis pro natione Italica, Gumperto Fabri pro natione Germanica, cum Giselero de Bouencen, & Vuilhelmo Porcellis pro natione An-

ANNO CHRISTI 1415.
 glicana, notariis & scribis. Quibus dominis in portis existentibus ex mandato & consensu aliorum, reuerendissimus pater dominus Ioannes patriarcha Antiochenus vocauit alta & intelligibili voce dominum Ioannem papam vigesimumtertium, suos sequaces, fautores & receptatores, si essent ibidem, quod comparerent coram sancta Synodo, ad praesens in eadem ecclesia congregata, responsuri, audituri, visuri & allegaturi, quare iuxta contenta in citatorio contra eos decreto, pronuntiari non debeant tales, quales in eodem citatorio dicuntur diffamati. Certificantes eosdem, siue comparuerint, siue non, quod nibilo minus eadem sancta Synodus ad ulteriora prout iuris fuerit, procederet, eorum contumacia non obstante: & alias ad dicendum causam, quare non debeat idem Ioannes papa ab administratione totali papatus rerum spiritualium & temporalium suspendi. In quam quidem uocationem alii ibidem existentes praelati non inquirentes, consenserunt, & uoluerunt eam sufficere pro actu praesenti.

Super quibus magister Henricus de Piro promotor petiit sibi nomine dictae sanctae Synodi unum vel plura, publicum seu publica confici instrumentum seu instrumenta. Praesentibus ibidem Friderico de Arnhem notario audientiae contradictarum, Euerhardo Lupi, Ioanne de sancto Seuerino, literarum apostolicarum & penitentiariae scriptoribus, & aliorum Christianorum multitudine copiosa. Et sic ipsi domini cardinales & praelati quatuor nationum reuersi sunt ad ecclesiam, & ad locum Concilii. Tunc reuerendissimus pater dominus Franciscus cardinalis Florentinensis praefatus retulit toti Synodo, quatenus in ualuis & extra ualuis ecclesiae praedictae mox per uocem domini Ioannis patriarchae Antiocheni, dominum Ioannem papam vigesimum tertium, eiusque fautores, receptatores & sequaces uocassent, iuxta tenorem dicti citatorii contra eos emanati, ad respondendum super sibi obiectis & obiiciendis: & alias dixit & retulit, prout in eodem citatorio plenius continetur. Qui quidem dominus Ioannes papa, neque fautores, receptatores & sequaces apparuerunt, neque comparuerunt ibidem. Et sic similiter praefati domini praelati quatuor nationum responderunt successiue, & retulerunt Synodo praefatae, eos dictum mandatum fuisse executos, licet nemo apparuerit. Quibus relationibus factis, ad instantem petitionem dicti Henrici promotoris, dominus praesidens primo reputauit dictum dominum Ioannem papam, suos sequaces, receptatores & fautores, contumaces: & uniformiter dicti

quatuor praelati quatuor nationum, & deinde tota Synodus reputavit dictos citatos contumaces: & ulterius in eorum contumaciam ad petitionem instantem dicti Henrici de Piro promotoris, reuerendissimus pater dominus Guillelmus sancti Marci, deputatus una cum reuerendissimo patre domino Jordano de Vrsinis cardinale, simul cum reuerendis patribus Antonio episcopo Concordiensi, Iacobo episcopo Taruisino, & Ioanne de Bononia pro natione Italica: Stephano episcopo Dolensi, abbate sancti Rufi, ac Vuilhelmo Malignetii pro natione Gallicana: Nicolao episcopo Merzburgensi, & Andrea electo Poznaniensi pro natione Germaniae: episcopo Lichfeldensi, & abbate sanctae Mariae extra muros Eboraci pro natione Anglicana, commissariis ad examinandum testes inducendos, & ex parte Synodi in causa inquisitionum, & etiam principali contra dominum Ioannem, sequaces, fautores & receptatores praedictos, ipsis in medio Synodi existentibus retulit, qualiter de mandato dominorum de sancta Synodo Constantiensi, cum dictis dominis deputatis examinasset testes in numero decem: quibus examinatis, & eorum dictis in scriptis redactis, perlegerunt eorum dicta & depositiones.

Quapropter licet dolenter id referat, non causa impediendi iustitiam, sed quod tantum ad hoc deuenit, quod huiusmodi scandalum in ecclesia Dei sit exortum; retulit qualiter reperit fore depositum sufficienter, dictum dominum Ioannem papam fore dilapidatorem bonorum ecclesiae Romanae & uniuersalis, simoniacum, scandalosum & perturbatorem fidei Christianae, & alia talem, quod merito debuit suspendi ab administratione bonorum ecclesiasticorum spiritualium & temporalium: & illa retulit cum supportatione & correctione suorum collegarum. Subsequenter ascendebat in altum reuerendus pater dominus episcopus Dolensis, vnus ex collegis ipsius domini cardinalis: & retulit similiter, prout ipse dominus cardinalis referebat, & subsequenter ceteri collegae omnium nationum ibidem congregati dixerunt relationem sic esse prout facta erat. Quibus relationibus sic factis, magister Henricus de Piro promotor petiit per dominos deputatos ad hoc, pronuntiari dictum dominum Ioannem papam suspendendum fore ab administratione papatus & rerum ac iurium Romanae & uniuersalis ecclesiae, tam in spiritualibus, quam in temporalibus, sibi que interdici eorundem administrationem. Et mandari uniuersis & singulis Christi fidelibus, quod de cetero non obediant eidem, neque quidquam administret quod pertinet ad uniuersalem ecclesiam.

ANNO
CHRISTI
1415.

clesiam. Et fuit petitum per eundem magistrum Henricum de Piro promotorem, an sic placeat dominis, primo præsidenti, & deinde deputatis quatuor nationum. Et fuit responsum, quod placeat, per dictum dominum præsidentem, videlicet reuerendissimum patrem dominum Ioannem episcopum Ostiensem cardinalem Viuariensem; deinde per dominum Joannem patriarcham Antiochenum pro natione Gallicana; Nicolaum archiepiscopum Gneznensem pro natione Germanica, Antonium archiepiscopum Ragusinum pro natione Italica, & Robertum episcopum Saresbiriensem pro natione Anglicana. Quibus petitis, & responsonibus nomine nationum & Concilii factis, auditis & intellectis, idem dominus Ioannes patriarcha Antiochenus de mandato Concilii pronuntiauit suspendendum dominum Joannem papam vigesimumtertium, propter eius contumaciam, ab administratione bonorum ecclesie uniuersalis, tam in spiritualibus, quam in temporalibus, prout & quemadmodum in quadam papyrischedula, quam ibidem de verbo ad verbum publice alta & intelligibili voce perlegit, cuius tenor inferius est insertus, plenius continetur. Qua schedula lecta, surrexit dominus Guillelmus sancti Marci cardinalis, dicens, quod in sententia continetur, quod idem Ioannes papa propter hæresim suspenderetur a papatu & administratione papali: super quo dixit testes non deposuisse, neque esse necessarium ad præsentem actum, quod testes super hoc fuissent examinati. Sed tamen vellet se conformare dictis & assertionibus maioris partis & aliorum dominorum de Concilio. Subsequenter surrexit magister Benedictus Gentiani de vniuersitate Parisiensi, protestando, quatenus si per suspensionem ius conferendi beneficia deuolueretur ad prælatos, siue locorum ordinarios, non consentiret, cum studiis deberet prouideri taliter, quod homines literati in ipsis possent viuere uti alii: & alias dixit, licet concludendo effectiue in modum prædictum. Et sic auditis istis altercationibus verbalibus, sententiatum & conclusum fuit per totam Synodum, quod sententia suspensionis deberet habere effectum. Sed illa duo puncta, videlicet quod per suspensionem huiusmodi atque sententiam non deuoluatur collatio beneficiorum ad ordinarios, & quod articulus de hæresi tactus per cardinalem sancti Marci, in deliberatione reseruetur ad alias sessiones, & quousque testes fuerint super notorietate examinati.

Et sic placuit domino præsidenti & deputatis quatuor nationum, & similiter toti Synodo. Super quibus petitionibus, lecturis, protestationibus &c. idem magister Henricus, dominus cardina-

lis, & Benedictus Gentiani, petiuerunt sibi fieri nomine Concilii & propriis, per reuerendos patres dominos Benedictum præpositum Albæ Regalis, Iacobum Rhodini de Janua, & Thomam Polcon protonotarium, & alios notarios & tabelliones prædictos, unum vel plura, publicum seu publica, instrumentum seu instrumenta. Præsentibus ibidem illustribus principibus & magnificis viris, dominis Rompolo duce de Zagan, Ioanne Jacobo comite Aquesaniensi, filio marchionis Montisferrati, Ioanne comite de Friburg, Guntero comite de Guartzeburg, Ioanne Carolo de vicecomitibus de Mediolano, domino Brunero de Scala de Verona, pincerna de Sina, Philiberto magistro de Rhodis ordinis sancti Ioannis Hierosolymitani, & quamplurium regum, Franciæ, Angliæ, Poloniæ, Daciæ, Noruegiæ, Sueciæ & Cypri ambasiatoribus, aliisque Christi fidelibus in numero copioso.

ANNO
CHRISTI
1431.

Tenor vero dictæ sententiæ suspensionis papæ, de qua supra fit mentio, sequitur, & est talis.

Sacrosancta generalis Synodus Constantiensis, ecclesiam catholicam repræsentans, ad extirpationem præsentis schismatis, & reformationem ecclesiæ in capite & in membris faciendam, in Spiritu sancto legitime congregata, uniuersis Christi fidelibus unionem & pacem ecclesiæ, & omne bonum.

Pridem post clandestinum recessum domini Ioannis papæ vigesimitertii ab hac ciuitate Constantiensi & hoc generali Constantiensi Concilio, vnionis & pacis ecclesiæ perturbatiuum & impeditiuum, ipsam ecclesiam scandalizantem, per nonnullos cardinales ac prælatos, & alios notabiles viros, ad eum ex parte huius sacri Concilii legatos transmissos, eundem requiri & moneri mandauimus & fecimus cum debita instantia, quatenus ad hoc sacrum Concilium & ad hanc ciuitatem Constantiensem rediret, ea quæ pertinebant ad extirpationem præsentis schismatis, & reformationem ecclesiæ in capite & in membris, impleturus, & cum effectu factururus, sicut promiserat, vouerat, iurauerat, ac in suis literis super conuocatione dicti Concilii concessis se facturum publicauerat: & cum id facere nolle, facto, non redeundo, & ad loca magis longinqua fugiendo, ostenderet, fuimus per venerabiles viros magistros Henricum de Piro in decretis licentiatum, & Ioannem de Scribanis de Placentia, causarum

ANNO CHRISTI 1415. & negotiorum huius sacri Concilii promotores & procuratores, instanter requisiti, quatenus ipsum dominum Ioannem papam, notorium simoniacum, notoriumque bonorum & rerum ac iurium Romanæ & aliarum ecclesiarum Dei dilapidatorem, fautorem huius pestiferi schismatis, ac aliis criminibus grauibus ecclesiam Dei scandalizantibus, nedum infamatum, sed illis in scandalum ecclesiæ notorie irretitum & incorrigibilem, qui, sicut præmittitur, clandestine hora suspecta & in habitu transformato a dictis ciuitate & Concilio generali fugit & recessit, gregem dominicum vt mercenarius deferens, hæresumque extirpationē, & generalem ecclesiæ reformationem, cui se submiserat, per dictum sacrum Concilium in capite & in membris faciendam euitare cupiens: ad redeundum & reuertendum ad ciuitatem Constantiensem & hoc sacrum generale Concilium debite compellere, & eum ad hoc etiam per edictum publicum in valuis ecclesiarum & aliorum locorum (vt est moris) affigendum citare & euocare personaliter, citationemque super hoc in forma iuris debita contra eum ac eius fautores, receptatores & sequaces decernere & concedere, & alias in & super præmissis contra eos procedere dignemur, prout requirunt canonicæ sanctiones. Ob quam causam iustitiæ debitum exequi volentes, prout tenemur, contra eundem dominum Ioannem papam vigesimumtertium, & alios præfatos citationem personalem decreuimus, ipsumque & alios prædictos per edictum publicum in valuis ecclesiarum maioris & sancti Stephani ac portis dictæ ciuitatis affixum, nec non per audientiam contradictarum (vt est moris) ad comparandum coram nobis nona die ab executione citationis huiusmodi computanda, citari mandauimus & fecimus, visuros & audituros per nos ordinari, decerni & declarari, dictum iam clandestinum recessum fuisse & esse ecclesiæ sanctæ Dei damnosum, scandalosum & opprobriosum, ac vnionis & pacis ecclesiæ perturbatiuum & impeditiuum, huiusque nefandissimi schismatis nutritiuum & roboratiuum, hæresisque & suspicionis fidei incentiuum, & a bono vnionis & pacis ecclesiæ præfata, promissionibus, votis & iuramentis per ipsum dominum Ioannem papam super hoc factis deuiatiuum: testesque su-

per notorietate dictorum criminum ad finem procedendi contra eos super talibus tanquam super notoriis, iurare vi-
furos, causasque, cur ipse dominus Ioannes papa ab omni
administratione spiritali & temporalis exnunc suspendi
non debet, propter ipsius malam administrationem no-
torie simoniacam, bonorum & iurium Romanæ & alia-
rum ecclesiarum dilapidationem notoriam, eius facto cul-
pabili contingentem, ac ipsius super præmissis incorrigibi-
litate manifestam, & alias in & super præmissis, & aliis
ecclesiam Dei scandalizantibus notorie, contra eum ad
eiectionem a papatu, seu eiectionis huiusmodi declaratio-
nem, & aliis per prædictos promotores propositis & pro-
ponendis, de iure & iustitia responsuros, ac alias in causa
& causis, & negotio huiusmodi debite processuros ac
procedi visuros, aliasque dicturos, facturos & audituros,
vt iuris fuerit & rationis, indeque iustitiæ complementum
super præmissis vsque ad diffinitiuam sententiam inclusi-
ue recepturos, sicut in aliis nostris inde confectis literis &
instrumentis, super eorum executione inde receptis, latius
continetur. Et subsequenter dicta die nona, quæ fuit dies
Lunæ decimatertia huius mensis Maii, coram nobis sessio-
nem publicam in ecclesia maiori dictæ ciuitatis Constan-
tientiensis de mane celebrantibus comparuerunt prædicti pro-
motores, & contumaciam dicti domini Ioannis papæ ci-
tati, personaliter non comparentis, accusarunt, & in eius
contumaciam petierunt, illum ab administratione papali
propter causas superius expressas suspendi, & alias contra
illum iuxta fines in literis dictæ citationis comprehensos
procedi. Nos cum maturitate & mansuetudine & carita-
te in hac causa procedere intendentes, dictum dominum
Ioannem papam per quatuor præfidentes quatuor natio-
num huius sacri Concilii generalis Constantiensis, videli-
cet Ioannem patriarcham Antiochenum, Antonium ar-
chiepiscopum Ragusinum, Nicolaum archiepiscopum
Gnezensem, & Nicolaum episcopum Bathoniensem,
commissarios, & per nos ad hoc deputatos, in valis dictæ
ecclesiæ maioris alta & intelligibili voce vocari & procla-
mari trina vice fecimus ad cautelam protonotariis sedis
apostolicæ, & aliis notariis publicis cum eisdem ad id ro-
gatis, ibidem vna cum populi multitudine præsentibus. Et

ANNO
CHRISTI
1415.

tandem facta nobis illico super hoc relatione per commissarios prefatos, quod idem dominus Ioannes papa sic citatus, vocatus & proclamatus minime comparebat, adhuc ipsum de benignitate ecclesie solita usque ad sessionem diei presentis in dicta ecclesia maiori per nos celebrandam, expectandum decreuimus, ut in processu dictae causae & instrumentis inde receptis latius noscitur contineri. Cum autem hoc die presenti, quae est decimaquarta huius mensis Maii, comparuerint coram nobis dicti promotores, petentes per nos pronuntiari, decerni & declarari, eundem dominum Ioannem papam propter malam administrationem eius notorie simoniacam, bonorumque & iurium Romanae & aliarum ecclesiarum dilapidationem notoriam, factam & culpa ipsius domini Ioannis papae contingentem, Deique ecclesiam scandalizantem, ab omni administratione papali & spirituali & temporali ante omnia suspendi, & ulterius crimina prefata contra eum per dictos promotores proposita, fuisse & esse notoria, & in illis tanquam super notoriis contra eum fore procedendum, etiam per nos pronuntiari, decerni & declarari, & alias contra eum procedi, ut iuris est, & alias petitum fuit: nos debitum iustitiae exequi, & indemnitati ecclesiae ac periculis animarum, quantum cum Deo possumus, obuiare volentes, prefatum dominum Ioannem papam ex superabundanti, iterato in valuis maioris dictae ecclesiae alta & intelligibili voce ter vocari & proclamari fecimus per Franciscum Florentinum & Lucidum de Comite cardinales, & alios commissarios prelibatos, ut est moris. Et deinde facta nobis relatione per eos, quod non comparebat, decernentes eundem fore contumacem, ad nostram ordinationem super praemissis hinc inde propositis & petitis, procedendum duximus in hunc modum.

*In nomine sanctae & indiuiduae Trinitatis, Patris & Filii
& Spiritus sancti. Amen.*

Quia nobis legitime constat, dominum Ioannem papam vigesimumtertium a tempore quo fuit assumptus ad papatum usque nunc, papatum ipsum & politiam ecclesiae, in scandalum notorium ipsius & ecclesiae, male administrasse, rexisse & gubernasse, vitaque sua damnabili, eiusque

Q 9 iij

nefandis moribus, populis exemplum vitæ malæ præbuisse & præbere, & insuper ecclesias cathedrales, monasteria, prioratus conuentuales & cetera beneficia ecclesiastica precio appreciato simoniace notorie distribuisse, bonaque & iura Romanæ & aliarum ecclesiarum plurimum notorie dilapidasse; quodque caritatiue monitus a præmissis desistere noluit, sed continue perseverauit & perseverat, ecclesiam Dei in præmissis notorie scandalizando: eapropter per hanc nostram sententiam pronuntiamus & decernimus & declaramus, dictum dominum Ioannem papam ab omni administratione papali, spiritali & temporalis, ex causis præmissis fore suspendendum, & suspendimus, eique administrationem ipsam interdiciamus in his scriptis, criminaque præmissa contra eum super mala administratione simoniaca & dilapidatione notoria ac eius mala vita ecclesiam ipsam scandalizante (prout præmittitur) proposita, notoria existere, ac de & super eis tamquam de & super notoriis procedendum fore & procedi debere ad finem eiiciendi eum a papatu, prout iuris fuerit, declaramus. Quocirca vos & quemlibet vestrum in Domino exhortamur, vobisque & vestrum cuiuslibet in virtute sanctæ obedientiæ & sub pœna fautoriæ dicti schismatis tenore præsentium districte inhihemus, ne vos seu aliquis vestrum, cuiuscumque conditionis, status, gradus seu dignitatis, etiam si regalis, cardinalatus, patriarchalis, archiepiscopalis, episcopalis, seu alterius cuiuscumque ecclesiasticæ vel sæcularis existat, dicto domino Ioanni papæ ab omni administratione papali per nos (vt præmittitur) iuste suspenso, contra dictam nostram suspensionis huiusmodi sententiam de cetero directe vel indirecte obediat, pareat, intendat, aut de bonis, rebus, iuribus, seu aliis emolumentis Romanæ ecclesiæ ex quacumque causa debitis, & ad eum ac papatum pertinentibus & spectantibus quouis modo respondeat, decernentes exnunc contra facientes scienter contrarium, tamquam contra fautores dicti schismatis, eiusque domini Ioannis papæ fautores & sequaces, ad pœnas iuris & alias (vt fuerit rationis) auctoritate sanctæ Synodi fore procedendum, nec non irritum & inane, quidquid a quoquam quauis auctoritate scienter vel ignoranter in contrarium contigerit attentari.

ANNO
CHRISTI
1415.

Datum Constantiæ provincie Moguntinensis, in sessione publica, in ecclesia maiori solenniter celebrata, die Martis decimaquarta mensis Maii, anno Domini millesimo quadringentesimo decimoquinto, indictione octava, pontificatus præfati domini papæ vigesimitertii anno quinto.

SESSIO XI.

DIE Sabbati vigesimaquinta mensis Maii supradicti, fuit tenta sessio generalis in ecclesia maiori Constantiensi supradicta, in qua præsidebat reuerendissimus pater dominus Ioannes episcopus Ostiensis, & erat ibidem præfens serenissimus princeps dominus Sigismundus Romanorum & Hungariæ rex in insigniis regalibus cum nobilibus suis sibi ministrantibus: cui astabant inter cardinales dominus Angelus episcopus Prænestinus, Laudensis vulgariter dictus, & Iordanus Albanensis de Vrsinis cardinalis. Præsentibusque aliis dominis cardinalibus, videlicet Francisco Venetiarum, Antonio Aquileiensi, Alamanno Pisano, Petro Cameracensi, ^{* Amadeo} Branda Placentino, Antonio de Salancho, presbyteris, ^{*} Amadeo Salutarum, Raynaldo de Branckasiis, Ludouico de Flisco, Landulpho Barenfi, Lucido de Comite, & Francisco Florentinensi, & Odone de Columna, diaconis cardinalibus. In qua quidem sessione fuit cantata Missa de Spiritu sancto per reuerendum patrem dominum episcopum Atrebatensem. Qua cantata, fuerunt lectæ litanie more solito cum introitu, Exaudi nos Domine, & collectis ac euangelio & hymno, Veni creator Spiritus, & aliis ad hoc requisitis. Quibus factis, cantatis & dictis, honorabilis vir magister Henricus de Piro promotor & procurator causarum & negotiorum Concilii, surrexit & proposuit, quod pro parte sanctæ Synodi Constantiensis præsentis fuissent dati certi articuli, formati pro inquisitione facienda contra dominum Ioannem papam vigesimumtertium, super notoria dilapidatione & mala administratione, fautoria schismatis, crimineque hæresis, vita scandalosa & incorrigibilitate ipsius Ioannis, in bonis ecclesiæ & statu papali per ipsum Ioannem factis, habitis & perpetratis, dictasque positiones & articulos fore probatos per plures & diuersos notabiles testes, quorum aliqui cardinales, aliqui archiepiscopi, aliqui episcopi, & per alios magnos viros. Quapropter dictos articulos & eorum attestaciones in summa per dominos commissarios pro-